

ЭШҚОБИЛ ШУКУР ШЕҮРИЯТИДА БАДИЙ ОБРАЗ ТАКОМИЛИ

Эргашева Садокат

ТошДҮТАУ таянч докторант

<https://doi.org/10.5281/zenodo.6639452>

Аннотация. Уибү мақолада Эшқобил Шукур шеъриятида құлланған бадиий образлар шоириңинг “Чанқовуз”, “Күпкари” шеърлари мисолида таҳлилга тортылған. Мақола давомида насыр образлар ва шеърий образлар ўртасидаги семантикалық чегараларнинг мөхиятига алохуда тұхталиб үтилған.

Калит сүзлар: насыр образ, шеърий образ, шеърий матн, метро-ритмик меъёр, контекст, бадиий образ.

THE IMPROVEMENT OF ARTISTIC IMAGE IN ESHQABIL SHUKUR'S POETRY

Abstract. In this article, the artistic images used in the poetry of Eshqobil Shukur are analyzed on the example of the poet's poems "Chanqovuz", "Kirkari". The essence of the semantic boundaries between prose images and poetic images is highlighted throughout the article.

Keywords: prose image, poetic image, poetic text, metro-rhythmic norm, context, artistic image.

СОВЕРШЕНСТВОВАНИЕ ХУДОЖЕСТВЕННОГО ОБРАЗА В ПОЭЗИИ ЭШКАБИЛЯ ШУКУРА

Аннотация. В данной статье анализируются художественные образы, использованные в поэзии Эшкобила Шукура, на примере стихотворений поэта «Чанковуз», «Купкари». На протяжении всей статьи освещается сущность смысловых границ между прозаическими образами и поэтическими образами.

Ключевые слова: прозаический образ, поэтический образ, поэтический текст, метроритмическая норма, контекст, художественный образ.

КИРИШ

Шеъриятнинг асосий хусусиятларидан бири образлилар. Шеърий асарлар шунчаки маълумот берібінә қолмай, инсон хотирасида вөкейлик суратини чизади ва ўқувчи тасаввурда маънолар, ассоциатив боғланишлар ва таққослашларни уйғотади, нарса ва ҳодисалар ҳақида янгича тасаввур ҳосил қиласы. “Бадиий образ” атамасыга бағищланған күплаб тадқиқотлар мавжуд бўлсада, насыр образлар ва шеърий образлар ўртасидаги семантикалық чегараларнинг мөхияти етарлича очиб берилмаган.

ТАДҚИҚОТ МАТЕРИАЛЛАРИ ВА МЕТОДОЛОГИЯСИ

Шундай экан, бу икки турдаги образни бир-биридан фарқлаш зарурати сезилади. Бизнингча, бу икки атама ўртасидаги фарқни белгиловчи асос шеърий матннинг ўзига хос табиатидан келиб чиқади. Шеърий матн тил тизимида белгиланған қоидаларга бўйсунади, лекин қўшимча равишда унга қўшимча чекловлар қўйилади: метро-ритмик меъёрларга риоя қилиш талаби, қофия, фонологик, лексик, шунингдек, ғоявий ва композицион даражаларда ташкил этиш. Иккинчиси шеърининг яна бир хусусияти: сиз билганингиздек, насрни шеъриятдан ажратишга ёндашувлар одатда фонетик ва графикага бўлинади. Ю.В. Казарин шеърий матннинг 10 та асосий сифатини ажратиб кўрсатди: тўлиқлик (формал,

семантик ва бошқалар), маданий контекстдан ажралмаслик, индивидуаллик, изчиллик ва тузилиш, оптималлик, регенеративлик, очиқлик ва қатъийлик. Шундай қилиб, фақат яхлит шеърий матн шеърий реноминация жараёнида реноминант ҳисобланади. Учинчиси фақат шеърий образнинг бадиий образдан фарқли ўлароқ, нутқ даражасининг исталган элементи, шунингдек, ўзига хос эстетик таъсирга эга бўлган ҳар қандай расмий хусусиятга эга бўлган унсурлар орқали амалга оширилиши ва “мустаҳкамланиши” мумкинлигини билдиради. Шеъриятда мазмун билан ажралмас бирликни ташкил етувчи асар тузилишини семантика эгаллаши мумкин. Берилган нарсада фикрнинг тузилишга муносабатидаги муҳим элементларнинг кўпайишининг асосий сабабидир.

Юқорида таъкидланганидек, эстетик таъсирнинг шаклланишида шеърий асарнинг ўзига хос унсурлари муҳим рол ўйнайди: шеърнинг лугавий мазмуни ҳам, шаклий элементлари ҳам лирик асарнинг образлилиги устида ишлайди. Шеъриятдаги образлилик ўзига хос табиати билан энг кучли эстетик, ҳиссий ва руҳий таъсирга эга. Лирик образларнинг ўзига хос хусусиятлари ва бадииятини истеъододли шоир Эшқобил Шукур шеърлари мисолида кўриб ўтамиз. Шоир шеъриятида образлар ранг- баранглигини қузатамиз. У гоҳ дарахт гоҳо майса, гул бўлиб, гоҳида эса ҳуркак оҳу ва йиртқич йўлбарс, беозор қушлар, куйловчи- йиглоқ тошлар ҳамда гуллаётган най садолари бўлиб, шеърга рух олиб киради. Ўша рух – образ демакдир.

Бадиий образ борлиқнинг санъаткор кўзи билан кўрилган ва идеал асосида ижодий қайта ишланган акси тушунилади. Шоир шеъриятининг образлар тизимида кўпроқ ҳалқона рух устивор эканини сезамиз. Биргина “Чанқовуз” номли шеърига асос қилиб олинган чанқовуз образи замирида шоир ижодий кечинмаларининг ифодасини кўришимиз мумкин. Чанқовуз – миллий чолғу асбобларимиздан бири бўлиб, у оғиз бўшлиғига қўйилиб, нафас ҳаракатлари билан чертиб чалинадиган соз. Чанқовузни кўпинча момоларимиз, қизларимиз чалишган. Бу сознинг наволари дашт оҳангларини сўзга солиб, юракларни сеҳрлайди.

ТАДҚИҚОТ НАТИЖАЛАРИ

Шоирнинг “Чанқовуз” номли шеърини таҳлил қиласар эканмиз, аждодларимиз қадим руҳиятининг кўҳна сирдоши чанқовуз бўлганидан огоҳ бўламиз. Бу шеър тарихига назар солсак, ҳалқимизнинг озодликка, мустақилликка ташна руҳининг ифодасини кўрамиз:

“Тилим тийилди менинг, сўзим қийилди менинг

Пўлат тил топиб олдим, ҳаво сўз топиб олдим

Чанқовуз чанқаб қолди –

Кўз ёшга чайқаб олдим”

XX асрдаги тарихимизга назар солар эканмиз, мустабидликнинг ҳалқимиз дилидаги гапларини тилига чиқара олмаганлигини “Тили боғлиқ, дили доғлик” бўлиб ўксиганини яхши англаймиз. Шоир шу ўксик нолаларга қулоқ тутган, дардчил бу руҳга айтмоқ учун “пўлат тил” топганидан севинади. Айтмоқ керакки, бу тимсол шеъриятимизга ўзига хос поэтик топилма бўлиб, айни пайтда шоир кечинмаларининг образли ифодаси ҳамдир. Яъни шоир топмиш “пўлат тил”, “ҳаво сўз” ҳалқ дилида асрлар оша яшаб келаётган орзу – эрк, озодлик қайғуси демак:

Чанқовуз чанқаб қолди-

Күз ёшига чайқаб олдим.

Эркка чанқоқлик, уни қумсаш, соғиниш, кутиш, халқларни, одамларни ўзига оханграбодек тортиб туради. Шу маънода чанқовуз халқ дардини куйловчи тимсол – овоздир.

Чанқовуз оғзим менинг,

Чарнаган ўзим менинг

Қалбнинг ёруғ қарида

Синмас тил топиб олдим.

Озодлик аталмиш муқаддас қаломни айтмоқ бўлиб, “Чанқаган, чарнаган вужуд” энди асло завол билмас – қалбнинг ёруғ қаридан синмас тил топиб олди.

Чанқовуз чанқаб қолди –

Дардимга чайқаб олдим.

Шоир халқ қалбини вайрон этмиш ёв туфайли “Қорачақмоқ чўқлаб бағрим ўйилди” менинг дея бонг уради.

Афсус, “Тилим тийилди менинг, сўзини қийилди менинг”. Аммо мен шунда “Пўлат тил топиб олдим, ҳаво сўз топиб олдим” дейди.

Чанқовуз чанқаб қолди –

Оловга чайқаб олдим.

Дардчил қалбнинг ҳарорати оловдек тафтли чанқовузни – пўлат тилини унга чайқаб олган лирик қаҳрамон энди шу дардни ёниб куйламоқ истагини билдиради. Чин маънода ҳам шоир – элнинг дардини куйлагувчиидир...

МУҲОКАМА

Шеърда шоир услубининг равонлиги, халқ тилига яқин ифода, образлилик бўй кўрсатади.

Мисоллар қатига яширган қалб кечинмаларида халққа яқинлик кўриниб турибди. “Чарнаган ўзим менинг” сатридаги “чарнаган” сўзининг лугавий маъносига эътибор қилинса, у куйиш ҳолатини ёдга солади. Яъни сўзини айтолмаган инсон ҳолатининг – тасвирининг ташбеҳидир.

Шоирнинг ушбу шеърида унинг чукур фалсафий маъноси, моҳияти билан бирга шоир услуги ва маҳоратини, айтиш жоиз бўлса, жасоратни кўрамиз. Эшқобил Шукур шеъриятининг образлар чизигига назар солар эканмиз, ҳаёт тимсолига айланган юрак, рух, қалб тасвирида ижодкор кайфиятининг образли талқини сифатида намоён бўлади. Дарҳақиқат ҳаёт – инсонга берилган олий неъматидир. Бу ҳаётнинг паст-баланд, шод ва ғамли, узун-қисқа умр йўлларини инсон муҳим фазилат саналмиш сабр билан бирмабир, топиш ва йўқотишлар ила босиб ўтади. Юрак деб аталмиш инсон вужудининг бир бўлаги муштдеккина бўлса-да, ўз ҳажмидан қанчалар катта танани ҳаёт қуввати билан таъминлайди. Яна қанчадан-қанча қувонч, шодлик, ғам ва қайғуни ўзига ҳамроҳ билади. Шундай бўлса-да, у матонатли, сабрли ва қанотли бўлиб қолаверади. Шоирнинг “Ҳасратли ҳужрамда” сатрлари билан бошланадиган шеърида дунё ташвишларидан безиб, қайғули юраги билан сирлашган лирик қаҳрамон кечинмалари шундай ифода топади:

Ҳасратли ҳужрамда

Қайғудан бўлак

Ҳамма кетиб бўлди бирма-бир
Дастурхонда фақат кемтилган юрак
ва бир коса сабр...

Шоир дардли, қоронғу, ҳасратга тўлган юрагини, кичкинагина эскирган, хувуллаб қолган бир ҳужрага қиёслаб унда қайғудан бўлак ҳеч бир илинж, умид йўқлигини айтмоқда. Ёзиқли дастурхонда “егулик – кемтилган юрак” ва “ичмоқли” бир коса сабрдан бўлак ҳеч нарса йўқ. Шоирнинг бори-йўғи юрак – сабр эканлигига ишора этмоқда.

Ҳасратли ҳужрамда
Зилзила тинди...
Анграйган эшикни ёпиб қўяман
Юракнинг қолганинг ейман-да энди.
Бир коса сабрни ичиб қўяман.

Йиллар ўтиб инсон қайғу-ғамларини унитади, оз бўлса-да ҳаёт ташвишларига шўнғиб қалбдаги ҳасратларини ювмоқчи бўлади. Яраланган, кемтилган юракни тикламоқчи бўлади. Шундай инсон ўз ички “мен”и билан куришади. Бу дард билан олишувда сабр ирода унга зирхли қалқон вазифасини бажаради. Шоир шеърнинг охирида эса қайғуни ёлғиз қолдиради.

Ҳасратли ҳужрамда
Дунё ҳам, мен ҳам.
Бир-бировдан тўйдик ноилож...
Фақат қайғу очда,
Қайғу жуда оч!

Энди шоирнинг қалби ёлғизликдан тўйгани, дунё ташвишлари уни чорлаётгани, оч қайғудан бўлак ҳамроҳи қолмаганлигини таъкидлайди.

Шеърда, асосан, хурлик, инсон қалбининг озодлиги, ҳаётга интилиш ғояси илгари сурилган, унда инсон то тирик экан, дардга бўйин эгмасликка чорлов бор.

Шоир шеъриятида табиат ҳодисалари, жониворлар ҳаётидан олинган, ўқувчидаги лирик қайфият ҳосил қилувчи топилмалар ҳам кўп. От тимсолида лирик қаҳрамон кечинмаларининг ботиний курашлари ҳаёт воқеалари асосида тасвиранади. Таъкидлаш жоизки, туркий ҳалқлар ҳаётида от – инсоннинг дўсти ҳамроҳи, яқин сирдоши саналган. От билан боғлиқ ривоят ва афсоналар кўп бўлиб, ҳалқ достонларида от воқеалари тасвирига ҳам кенг ўрин берилган.

Эшқобил Шукурнинг ”Кўпкари” номли шеърини ўқиганимизда, миллий анъаналаримиз, ҳалқ ўйинлари, кураш-кўпкари баҳсларида юрган бир чавандоз ва унинг ҳамроҳи – оти билан боғлиқ воқея тасвири қўз олдимизда жонланади:

”Хайт!”- деди, улоқ кетди,
Улоқда товоқ кетди.
Ногаҳон эл гуруллар,
Ер ойнадай зириллар
Отларга қолди майдон.

Чавандоз отга ”хайт!” дея қамчи солди. От пойгага қўшилди. Унгача элнинг танти баковули улоқ кўпкари мусобақаси учун қўйилган совринни – ”товоқ” ни эълон

қилган, унинг белгиси сифатида ўртага улоқ ташланган эди. Бу завқли томошага йиғилган халқ узоқ кутылган лаҳзаларда ҳаяжонини яширолмай оёққа қалқди, ”гур” этиб овоз берди. Адирда отлардан чанг-тўзон кўтарилиди. Туёқлар зарбидан ер зириллайди. Бу майдон энди ёлғиз отларга, уларнинг беллашув майдонига айланди.

Сулув –сулув ёллари
Сув ўтидай чайқалди
Ёпинчиғин гуллари
Ёр юзидаи сайқалли.

Ҳар бир отнинг ўз ишқибози бор, уни муносиб чавандоз чопса айни муддао. Отни куни-тун парвариш этган ғамхўри ёлларини силаб, эртанги бўладиган кўпкарида уялтирмаслигини сўрайди. Қаранг от кўпкарида шамолдай учиб бораётир, унинг сулув-сулув ёллари сув ўтидай чайқалмоқда. Ёпинчиғининг гуллари эса ёрининг юзидаи ёниқ-сайқалли...

Ярақлаган яғрингда
Семиз қирлар харсиллар,
Түёқларинг тиғида
Қора чақмоқ чирсиллар

От яғрининг бақувватлиги унинг кучга тўлганлигининг бир белгиси. Унинг ўқтам ҳаракатидан хатто баланд-паст ”семиз” қирлар харсиллаб толикмоқда. Туёқларининг тиғдай учида ”қора чақмоқ чирсиллаб” кўпкаридаги пойга жадал олмоқда.

”Хайт!”- деди, улоқ кетди,
Ўртада табоқ кетди.
Чангакдай қўли билан
Куч чанглар чавандоз
Отининг ёли билан
Чангни чалар чавандоз.

Чавандозлар отларини ниқтайди, кураш авж паллага чиқмоқда. Ҳар бир чавандоз пойгода рақибига чап бериб совринга эга бўлмоқчи. Ўртага қўйилган соврин – табоқ эр йигитнинг муносиб улуши, ўлжасидир. Пойгани эл ҳайрат ва катта ҳаяжон билан кузатиб турибди. Ҳаммага завқ берадиган ”хайт!” демиши хитоблар отларни ҳам бирдек ҳаяжонга солмоқда. Мард ўғлон ёлғиз шу ўлжани олмоқ учун бақувват кўллари билан ўлжасига чанг солган ва улоқни айирган. Энди керакли нуқтага улоқни етказмоғи лозим. Мана, чавандоз отини рақибларидан фарқли масофада ортда қолдириб кетмоқда. Отининг сулув ёллари ҳаводаги чангни соз каби чалиб садо бермоқда. Бу садо тулпорнинг шиддат овози.

Қора-қора қомати
Қорайиб кўринади,
Лекин чавандоз оти
Кўзларда сурилади.
Ногаҳон эл гуриллар
Ер ойнадай зириллар.

Пойгани бошида кетаётган тулпорнинг “қора-қора қомати” секин-аста кўринмай узоклашди. Туйқус, мохир чавандознинг оти одамлар нигоҳида суринади. Мисрага дикқат қилинса, шеърдаги “Кўзларда суринади” сатридаги поэтик топилма орқали халқ тилида “Кўз-сух” деб аталмиш ҳодисага ишора этилади. Яъни кўз қарашидаги “сукланиш”—салбий ҳолат ифодасидир. Одамлар кўз ўнгида бўлган воқеадан одамлар оёққа қалқди. Чунки бу ҳол кутилмаган, ҳозиргина унинг ҳаракатларидан эл завқланаётган эди.

Музлаб қолди саратон
Қуёш қорга ботади
Ичдан йиғлар чопоғон
Оти ўлиб ётади
“Воҳ!”- деди, улоқ кетди
Қош ила қабоқ кетди.
Чавондознинг қўнглидан
Шом ила Ироқ кетди.

Саратоннинг жазирамасида одамларнинг юраги муздай. Оташин қуёш ҳам корга ботди. Чавандоз ичидан сел бўлиб йиғляяпти. Воқеадан тош қотган, ҳайрон, чунки қаршисида оти – ҳамроҳи жон таслим этиб ётарди. ”Воҳ!” деди, ўртанди-ёнди, аммо унинг дардли овозини ҳеч ким эшитмаётганди. Чавондознинг ҳоли ахволи юзида, қош-қовоғида зухр топди. Чавандознинг юзидан ранг кетган, қўнглидан эса бутун бори –дунёси ”Шом ила Ироқ” кетаётганди...

Бирдан кун қолди қариб,
Қил сиғмайди қўнгилга
Отнинг ғамин кўтариб
Отсиз қайтар овулга

Чавандоз назарида вақт йўққа айланди, у нималар бўлаётганини тушунолмас, ёлғиз кўз олдида отининг сиймоси, ундан бўлак қўнгилда, хотирда ҳеч нарса йўқ. У овулуга кўпкаридан шу алфозда “отининг ғамини кўтариб” қайтаётган – отсиз қайтаётганди.

Ўтдай ёнган дарага
Ўзин ташлаган қўнглим
Гуруллаган даврада
Улоқ тишлаган қўнглим.

Ҳа, улоқчи- чавандоз овулининг ори-номуси учун пойгага тушган, ўтдай ёнаётган бу майдонга, кураш майдонига ўзини ташлаган эди. Унинг ҳам қўнглида туккан ниятлари, тилаклари бор эди!

Энди ғамли эрига
Сўз айтмасдан ботиниб
Олти ой аза тутар
Чавандознинг хотини

Отга чавандоз қатори бутун эл ачинди. Энди бу вақтда сўз очиб бўлмайди чавандозга. Ҳатто унинг аёли ҳам бунга журъат этолмайди. Отга худди инсонга мотам тутгани каби олти ой унга аза тутди чавандознинг хотини.

Шеър сюжети халқона тасвир, ифодавийликка эга. Айни дамда халқ қадриятлари, маросим ва урф одатларининг уйғунлиги шеър композициясидан ўрин олганки, муаллиф воқеа тасвирини чизишда улардан унумли фойдаланган. Отни муқаддас билган халқимизнинг ҳайвонот олами билан боғлиқ қарашлари шеърнинг мазмунига сингдирилган.

ХУЛОСА

Эшқобил Шукур шеърларини мутолаа қилиш чоғида сўзни тушуниш ва ҳис қилиш фарқли экани аёnlasha боради. Чунки унинг шеърлари ҳаётнинг турли ҳодисалари тўғрисида янгича тушунча бериш баробарида кишида маълум туйғулар уйғотади. Аксарият шоирларнинг шеърларида муайян фикр чиройли шаклда баён этилади. Одам уларни ўқиганида аввал эътибор қилмаган ҳодисаларини билиб олади. Аммо шеърнинг таъсири шу билан тугайди. Чунки фақат мантиққа асосланган шеърларда сўзлар бир маънени англатади. Ақл топган мантиқ юрак ёғдусига йўғрилган шеърларда эса аксинча. Бундай шеърлар ҳеч кимни бефарқ қолдирмайди.

Фойдаланилган адабиётлар

1. Лотман Ю.М. Анализ поэтического текста: структура стиха. – СПб.: 1996. – 252 с
2. Казарин Ю.В. Поэтический текст как система: Монография. – Екатеринбург: Изд-во Урал. ун-та, 1999. - 260 с.
3. Д.Қуронов ва б. Адабиётшунослик луғати.Т, Академнашр. 2010. –Б 44.
4. Эшқобил Шукур. Ҳамал айвони. Т, Шарқ, 2002. –Б 22